


第三卷

此本自卷七至卷十一皆石印

後村先生大全集卷第七



詩

蔡忠惠家觀墨蹟

維蔡郡之望過者必式問嚴嚴端明廳遺像猶肅如頗聞  
手澤富儻許窺珍儲主人命發筭棊几同卷舒比顏倍秀  
麗眠柳加敷腴毫杭兩記在妙與蠟本殊洛橋字尤佳其  
大徑尺餘班班名臣帖煌煌昭陵書坐令承學士若覩慶  
歷初向來故家物聚散何忽諸祭器抱他適玉軸棄路隅  
端明夢奠時磨門惟一孤厥裔日以蕃廟院蜂房居寸紙

惜如命不博明月珠乃知儒澤遠浮榮無根株勗哉守視  
者巾襲防蠹魚

昔方孚若主管雲臺予監衡嶽每歲 瑞慶節常

聚廣化寺拈香癸未此日獨至寺中輒題一絕

同作祠官荷聖朝年年相待放生橋精廬此日來無伴稽  
首爐熏自祝堯

有感

策策秋聲起樹枝遙憐塞下雁來時寧聞中夜荒鷄舞肯  
拾他人竹馬騎短劍舊曾交俠客小詩猶足將偏師無情

却是青鏡銅鏡剛照書生兩鬢絲

挽水心先生

一夢孝皇初悽然四紀餘國人莫知我天下孰宗予散地  
雖無柄名山儘有書烏虜傳萬世猶足矯元虛

二

所學如山海吁嗟不一施未聞訪箕子但見誅宣尼空郡  
來陪哭無人敢撰碑紛紛門弟子若箇解稱師

林容州別墅

出郭五里強治地十畝寬奇峯面朝挹高阜背屈蟠忽獻

若神授久閱由天慳茲焉卜壽宮朱堊浮林端使君世慮澹出嶺顏如丹靜思三窟危孰如一正安時松旣森秀引泉亦甘寒願言奉巾履屢暇日來盤桓

哭林山人

僵卧茅簷下怡然八十春竟無衾覆首惟有鍾隨身賻客弔稀來客封崇託外親自言墳出貴後必彥產奇人

挽方孚若寺丞

使君神馬似龍麟行地飛空不可馴詩裏得朋卿與我酒邊爭霸世無人寶釵去盡中年病珠履來疏晚節貧昔共

誅茅聽瀑處溪雲谷月亦悲辛

二

斯人詎意掩斯丘六合茫茫不可求射虎山中如昨日騎鯨海上忽千秋帝方欲老長沙傳虜尚能言賻望侯回首瀨溪畔路跛驢無復從公遊

挽方武成二首 左鉞

頗有翁標致唐衣折角巾雖疑頭小銳極愛腹精神潤矣雲霄志悲哉靈電身世間無妙質一慟惜斯人

福州道山亭其二南豐作記

卅角詩名出流傳海內誇師稱起予者翁問倩人耶惜未  
參諸老猶堪擅一家從今涯瀑上誰共梅花

福州道山亭

南豐作記

絕頂煙開霽色新萬家臺觀密如鱗城中楚、銀袍子來  
讀曾碑有幾人

建州

風緊雲高雪尚慳建州城北倚欄干林梢沒日紅如綫應  
為梅花煖晚寒

起來

起來呵手檢衣篝燭蛩影蛩聲伴小樓賴有夢中堪細說  
錦牋寫不盡離愁

入浙

浦城南畔只輕陰入浙方驚雪許深梅皜楓丹三百里笑  
人短幅寫寒林

寄人

老攜詩卷入京華覓店先須近酒家白髮但能進坊取未妨  
痛飲挿梅花

壽昌

山路泥深雪未乾  
病身初怕浙西寒  
新年臺歷無人寄  
且就村翁壁上看

桐廬

桐廬道上雪花飛  
一客騎驢覓雪詩  
亦有扁舟蓑笠興  
江行却怕子陵知

富陽

便著羊裘也不難  
山林未有一枝安  
富春耕種桐江釣  
却羨先生別墅寬

記夢

父兄誨我髧髦初  
老不成名鬢髮踈  
紙帳鐵檠風雪夜  
夢中猶誦小時書

出都

客子來時臘雪飛  
出城忽已試單衣  
湖邊移店非無意  
要共林逋共話別歸

題硯

吾硯平生極自珍  
塗雲抹月發清新  
臨歸攜就西湖洗  
不受東華一點塵

杜丞

憶冒重圍入孤城，賴不亡。戰功何日賞，檄草至今藏。舊事歸詩卷，新寒入箭創。江邊逢杜杲，鬢髮各蒼蒼。

久客

久客長安市，人情薄似雲。寧為絕交論，不著送窮文。白髮長千丈，黃金盡百斤。故山春事動，深恐廢耕耘。

贈陳起

陳侯生長紛華地，却以芸香自沐熏。鍊句豈非林處士，鬻書莫是穆參軍。雨簷兀坐忘春去，雪棹清談至夜分。何日我閑君閉肆，扁舟同泛北山雲。

贈翁卷

非止擅唐風，尤於選體工。有時千載事，祇在一聯中。世自輕前輩，天猶活此翁。江湖不相見，纔見又西東。

路傍桃樹

為愛橋邊半樹斜，鮮衣貫酒隔橋家。唐人苦死無標致，只識玄都觀裏花。

題壁

兒時挾彈長安市，不信人間果有愁。行遍江南江北路，始知愁會白人頭。



馬上口占

陌上鞦韆索漸收  
金鞭懶逐少年遊  
晚風細落梨花點  
飛上春衫認是愁

挽李尚書

韓范止如此公乎  
事又難艱不陪治  
城廟合殉定軍山  
璽出千官賀弓藏  
一老閑凋戈提十  
萬猶記凱歌還

二

幕下多才雋于今  
盡策勲可憐狂處  
士曾揖大將軍久  
成兒郎老新招部  
曲分此生甘寂寞  
有淚濕高墳

橋西

昔飲橋西歲月多  
梨花深處侍郎過  
垂鞭欲訪滄裙約  
奈此蕭蕭鬢雪何

黃田人家別墅繚山種海棠為賦二絕

萬紅扶路笑相迎  
彷彿前身石曼卿  
若向花中論富貴  
芙蓉城劣海棠城

二

海棠妙處有誰知  
全在胭脂乍染時  
試問玉環堪比否  
玉環猶自覺離披

高為峯嵐下濤江極目森秀涵滄涼始知著色未造極壹  
侶醜女施鉛黃驚人駭石聚幽怪巨楠穿穹柏蟠老蒼鹿  
門寺華子崗是耶非耶遠莫詳疑聞鐘聲起掩靄似有帆  
影來微茫陌窮渡絕雪滿坂驢鞍釣笠分毫芒爰曦亭午  
試展玩坐覺煙雨生縑緗古來絕藝必名士俗史辟易安  
敢當大年脂粉米老狂先朝僅數燕侍郎吾聞汾陽子賜  
貴購父畫一筆不許它人藏矮屏短軸已可寶况此四幅  
垂華堂嗚呼主人謹護守神雷鬼電或取將

挽林夫人

方字若母

奉使年三十聲名滿四夷奇哉何物媪生此丈夫兒墓竟  
同孫窆家猶有婦持向來稱壽地忽聽鼓簫悲

挽葉夫人

丞相女孫  
字若內子

年與葦蕩砧齊來嬪自始筭典刑丞相子禮法大夫妻恠  
鵬驚頻集離鸞忍隻棲傷心衾舍等猶是嫁時齋

題洪使君詩卷

陳帥復  
為序

刻于芹泮士爭披傳到茅廬我竊窺突過帚郎森戟句高  
如柳惲采蘋詩日惟坐嘯重沉水間亦搖毫品荔枝况有

太丘為小序遙知流布滿京師

關仝驟雨圖

四山昏、如潑墨行人對面不相覲  
淒乎太陰布肅殺閭  
然混沌未開闢千丈挈空襲蟄龍起一聲破柱春雷疾我  
疑人間瓠子決或是天上銀河溢異哉煙霏變態中山川  
墟市明歷、茅寮竹寺互掩映疎春殘磬渺愁寂叟提魚  
出寒裂面童叱牛歸泥沒膝羊腸峻坂去天尺驢飢僕瘦  
行安適林僧卸笠窘行迴步海商拋可憂形色縱覽鯤鵬  
信奇偉戲看鳧鴈亦蕭瑟乃知畫妙與天通模寫萬殊由

寸筆大而海嶽既盡包細如針粟皆可識向來關生何似  
人想見邱壑橫眉臆嗚呼使移此手為文章豈不擅塲稱  
巨手擘

哭左次魏二首 暮

少日一編書中年丈二笈乃知杜預智誰謂狄山愚小試  
飛箱策方為進築圖到頭麟閣上終不著臞儒

二

甫痛何郎天正明亦復然因思題墓上不若鬪樽前  
斂馬為誰得琴書有女傳惟應千載下配食雪堂仙

君與何立  
可皆江淮

同幕相繼  
歿於齊安

寄永嘉王侍郎

珍重西清老書來訪薜蘿為邦應好正在作佛竟如何花  
押常衙少柑香靜坐多聞公鬚尚黑未害小婆婆

秋熱憶舊遊

惜昔浮江更涉淮早秋天氣最佳哉塞垣榆落蟬初少澤  
國蘆疎鴈已來風露入懷詩筆健關山滿目笛聲哀南州  
九月猶締絡縱有清樽底處開

二

塞上秋光冷似冰當年豪舉氣憑陵打毬不用炎方馬按  
獵初調異國鷹山寨淒涼聞戍鼓水村搖落見漁燈而今  
病暈茅簷底追記猶堪洗鬱蒸

哭李景溫架閣大有

挾策說荊州那知亦閣投漫招溫處士幾殺杜參謀出幕  
有清議還鄉空白頭人間容不得下與阿翁遊

建交丞相  
其祖也

送鄭瑞州起沃

想入漳潮境牙旗夾路紅帝方憂瘴俗君可惠清風海有  
沉珠戶岩無斷硯工它年循吏傳要雜古人中

送方子約赴衢教符

博士非如吏巍然道自居諸生趨避席太守揖升車朱筆  
濃批卷青燈細看書漢廷重文藻行矣召嚴徐

李園有懷孚若

曾與山公醉不歸李園水竹尚依稀鈿車疾取春鶯唱鐵  
笛潛驚宿鳥飛昔把蟹螯同酒斝今持馬策和叩城扉溪  
頭一片無情月偏照愁人淚滿衣

送方阜高赴衡州法掾

仕不論高下絲毫要及民君其守三尺古有活千人嶽樹

侵雲杪江籬蒲水濱楚芳飢可薦切莫嘆清貧

答教茂才

器之  
猶子

太傅品胡兒樊川譽阿宜既為諸父賞焉用外人知曉月  
家山夢秋風客舍詩桐城逢汝伯一為說相思

失猫

飼養年深情已馴攀牆上樹可曾嗔擊鮮偶羨鄰翁富食  
淡因嫌舊主貧蛙跳堦庭殊得意鼠行几桉若無人籬間  
薄荷堪謀醉何必區區慕細鱗

送張行應斗還番禺

蕉荔漫山霧雨繁  
虬鬚客子悔南轅  
久留閩國誰堪語  
却憶番君可與言  
豪傑雖窮留氣在  
聖賢不死有書存  
歸時洗換征衣了  
揀箇深山緊閉門

為圃

屋邊廢地稍平治  
裝點風光要自怡  
愛敬古梅如宿士  
護持新筍似嬰兒  
花窠易買姑添價  
亭子難營且築基  
老矣四科無入處  
旋鈕小圃學樊遲

二

衰病歸來占把茅  
譬如僧葺退居寮  
因存橘樹斜通徑  
怕

礙荷花小著橋  
古有功名興釣築  
今無物色到漁樵  
可憐歲晚雙閑手  
手種罷蕪菁擷菊苗

送黃舒文赴欽教

壁

博士文中虎垂髻  
已定交雅宜對紐  
藥胡乃涉黃茅薄  
有先生飯全無子  
弟嘲猶勝迂闊者  
荷鍾墾荒郊

挽袁侍郎

華髮終始遭逢其  
如道不同可曾留  
孟叟俄已罷申公  
諫草多傳出經疑  
盡解通豈無南董  
氏奮筆記孤忠

二

遺誥魚新訃同時至華門龍髯先帝遠鮑背幾公存方恨  
三旌晚俄驚一鑑昏潛潛然關世道不是哭私恩

教器之宅子落成

矐翁卜築向東臯小憇江湖半世勞  
遶屋樹陰供杖履樓登樓山色發詩騷  
客來賀慶厦杯行潤市寫拋梁紙價高  
白虎漸臺何處在不如茅舍尚堅牢

答陳珍

寂、少游從斯人未易逢清貧令仲子踈雋小元龍  
君謹提詩筆吾當避箭鋒勉旃鳴盛世切勿效寒蛩

挽表叔趙君任安撫二首

綸忠簡孫

丞相規恢策家庭已習聞寧論乘一障真可帥中軍  
玉塵無能對金錢有即分心知伏波病多半為忠勤

二

叔在兵間日書常笑我孱初云機會易晚歎事功難  
寂寞郎官省荒涼上將壇遙憐會稽窆種新短松寒

池上榴花一本盛開

炎州氣序異十月榴始華是誰初植此石罅抽根斜  
綠陰蔽明曦朱艷奪暮霞始猶一二枝俄已千百葩  
染人不能

就畫史無以加洛陽擅牡丹久已埋胡沙蜀州夸海棠  
邈然隔夔巴安知籬壁間亦有尤物耶坐令農圃室化為金  
張家詩人好模擬凍蘂并寒槎斯篇倘令見無乃譏言奢

蘓李泣別圖

方孚若故物  
近為人取去

風雲慘悽草樹枯死笳鳴馬嘶弦驚鶻起孰看境色非人  
間祁連山下想如此手持尊酒別故人此生再面真無因  
胡兒漢兒俱動色路傍觀者為悲辛歸來暗灑茂陵淚子  
孟少叔方用事白頭蜀國冷如水空使穹廬歎忠義茫  
事往賴畫存每愁歲久縑素昏即今畫亦落人手古意淒

涼誰復論

芙蓉

湖上秋風起權歌萬株映柳更依荷老來不作繁華夢一  
樹池邊已覺多

二

池上秋開一兩叢未妨冷波伴詩翁而今縱有看花意不  
愛深紅愛淺紅

鄒莆田見傳英書

應傳

令君葬說其傳遠一字真堪直一緜惜似辨材藏襖帖受



如房相筆楞巖巖略疏脫誤煩重校盡扣精微恐不廉欲  
卜寢丘何處是憑高試為指東崦

挽鄭參議浦

同榜翻騰盡君初拜小侯地寒推易去天遠借難留新壠  
家山畔生祠嶺海頭歷官如老杜白首止參謀

同鄭君瑞出瀨溪即事十首

方孚若新序

汗血名駒白玉鞭本初父子喜華鮮只今無復狂遊侶自  
卸驢鞍古店前

二

妓有香分客有魚主君頭白摠因渠枯楊此日悲風起寂  
寞無人哭墓廬

三

元凱平生以智推今看往事一何癡山頭螭首猶蕪沒那  
有人觀水底碑

四

昔結精廬在半涯苔扉無主闔還開近聞有虎為看守應  
是防閑俗子來

五

豪士寧淪鬼趣中  
曼卿昔去管芙蓉  
君今定作梅花主  
來往山間倘一逢

六

藁裡而掩古無譏  
何必封崇揭禍機  
到得珠襦金椀出  
始知羸葬不為非

七

古于生死驗交情  
何況臺欹沼漸平  
不是劉君同鄭老  
苔深草合斷人行

八

鐵馬防秋記昔曾  
晚涂消縮似寒蠅  
同時校尉俱封拜  
誰伴將軍獵霸陵

九

北耗而今杳不知  
路傍羽檄走無時  
自憐蒲鏡星、髮羞  
見官中募士旗

十

老奴昔逐我西東  
捷似猿猴跳絕峯  
今日道旁扶一拐  
汝公安得不龍鍾

教茂才論詩

詩道不勝元難於問性天莫求鄰媪誦姑付後儒箋至質  
翻如俚尤癯始似僊吾非肝肺異先得子同然

鑠諫圖

謹言直觸大單于賴有閼氏上諫書若把漢唐宮苑北玉  
環飛燕搃輸渠

哭劉連江世鈞

晚唐才調晉風期一片胃襟頗涉奇每過隣家因貰酒偶  
添別墅為羸基議郎秩淺無超拜令尹官清有去思種得  
花成身不見江邊父老至今悲

明皇按樂圖

鶯啼花開春晝遲掖庭無事方遨嬉廣平策免曲江去十  
郎談笑居台司屏間無逸不復覩教雞能鬪馬能舞戲呼  
寧<sup>哥</sup>吹玉笛催喚花奴打羯鼓南衙群臣朝見疎老伶巨  
璫前後趨阿瞞半醉倚玉座袖有曲譜無諫書金盆皇孫  
真龍種浴罷六宮競圍擁惜哉傍有錦綉兒蹴破咸秦跳  
河隴古來治亂本無常東封未了西幸忙輦邊貴人亦何  
罪禍胎似在偃月堂今人不識前朝事但見斷纜粧束異  
豈知亂離當日亂離人說著開元揔垂淚

哭李公晦二首

沒於辰州

不會蒼天意，令君死五谿。少曾游洛下，晚乃相膠西。白首尊師說，丹心對御題。悲乎成底事，路遠客魂迷。

二

洲邊三畝宅，有竹有梅花。豈不堪名世，何如勿起家。身纔着朱綬，州謾出丹砂。渺、重湖悲風咽暮笳。

送鄒莆田

日日焚香出，天知令尹心。租符環境少，花判入人深。發路惟詩卷，般家亦俸金。極為鄉井惜，不是愴分襟。

即事

買得荒郊五畝餘，旋營花木置琴書。柳能樊圃猶須種，蘭縱當門亦不鋤。無力改牆姑覆草，多方存井要澆蔬。屢、寸志聊如此，謂誰先生廣且疎。

二

目為詩客不勝慙，喚作園翁定自堪。抱甕荷鋤非鄙事，栽花種竹似清談。野人只識羹芹美，相國安知食筍甘。富鄭公事晚覺齊民書最要，惜無幽士肯同參。

三

呈美芥不誤  
乙結非

墻角新開白版扉時尋樵牧弄煙霏  
代耕豈若收躬稼賜帛何如出自機  
湖海浪遊今已倦山林獨往未全非  
百年只願身強健長為慈親負米歸

四

待鑿新池一引一灣更規阜高阜敞三間  
縮墻恐犯鄰家地減樹圖看屋後山  
身隱免貽千載笑書成猶要十年閒  
門前驀有相尋者但說翁今怕往還

梅花

髣髴瑤姬擁仗來茆簷化作玉樓臺  
平明遶砌圓殘夢元

是梅花數樹開

二

慘地紛、着樹稀歲華搖落慘將歸  
世間尤物難調護寒怕開遲暖怕飛

三

籬邊屋角立多時試為騷人拾棄遺  
不信西湖高士死梅花寂寞便無詩

四

肯因冷澹恐年芳霜滿寒林月滿塘  
至白世間惟玉雪不

知伊處為無香

五

夜來幾陣隔窻風便恐明朝已掃空  
點在青苔真可惜不如吹入酒杯中

送邢仙遊

與祖

彼美邢侯者逢人滿口夸有恩霑小戶無勢撓公家  
拔盡民間薤栽添境內花吾詩采清論一字不增加

夜登甘露山

小家三兩戶荒巘萬千重有月犬自吠無人泉自舂

二

月雲落宿禽起幽人殊未歸迴不知何處磬迢遞過山來

書事

竭海夷山氣力雄只愁無術駐顏紅却須學劃千餘歲多

買丹砂置女僮

章子厚云人生豈不能學劃得七十二百歲

二

因治陶朱術太精世間無物足經營更將郭璞書頻看只恐青山盡鑿平

後村先生大全集卷之七

後村先生大全集卷第八

詩

送權郡詹通判

鎮靜一如無頌條甫月餘來惟居傳舍去不識兵厨健判  
風生筆精祈雨灑車丈夫何必假行矣兩輪朱

再題鍾賢良詠歸堂

伏羲以來凡幾年六經之外凡幾書人間簡冊渺煙海君  
以約法包無餘往年華轂臨敝廬舌端霆卷俄電舒平欺  
賈董等下駟冷笑服鄭貢蠹魚千詢萬扣答如響捫腹始

媿吾空虛伯高辟易李度走六論三策何時據又言諸子  
皆丈夫經筵武庫隨所須觀君毛骨老猶爾惜也未見雖  
與駒方今主相求極諫君曷不攜軾轍俱自云素鄙從橫  
學尚友洙泗設古詞堂堂冕輅豈不好却慕黜也寧非迂  
行當端委秉周禮未可春服從魯儒

送洪使君

雖擁朱轡貴清臞兩鬚鬢霜判花人競誦詩草士深藏農  
飽凶蠲賦州貧為抹荒公歸無媿面應可見嚴光

送陳魯叟使君赴廣西漕

闔郡留無計匆匆奪父師使君三月政遺老百年思遠宦  
生華髮輕裝載舊碑海山應有恨未得謝公詩

二

韓杜曾游處君行得細尋那知瘴煙裏忽有福星臨竭海  
求珠蚌搜山採翠禽定將冰與檠一洗濁夫心

永嘉黃九萬見訪

避暑惟高卧柴門閉不通子來佩明月予起濯清風有豎  
猶當贈無城可得攻靈舒如見問今作灌園翁

別宋斌文叔



天下書無數君專治四書因留精舍久遂向舉場踈山路  
挑包去秋風罷講餘故園荒草合似欠一番鋤

熊主簿示梅花十絕詩至梅花已過因觀海棠輒

次其韻

萬藥千葩染似紅停杯無語恨東風薄寒且為花愁惱何  
况開時值雨中

二

紅點霏々似撒沙荒園幻作五侯家自憐改畫青青鬢無  
力栽花且看花

三

幾樹繁紅映碧灣茅羅山下見芳顏分明消得黃金屋却  
墮荒蹊野徑間

四

顛風狂雨阻追攀欲問春留數日間過眼紅雲成白雪到  
晴祇恐沒看花

五

梅太酸寒蘭木太清海棠方可入丹青趙昌骨朽熙徐死誰  
春風上錦屏

六

特以穠纖壓衆芳  
癡人癡殺恨無香  
問渠嫵媚房櫳裏  
何似莊嚴几研傍

七

共倒殘尊過日西  
重來花事想參差  
建陽主簿今才子  
焉可無詩補杜詩

八

歸騎何須抵死催  
且拈落葉藉蒼苔  
平生酷喜坡長句  
筆力今誰可奪胎

九

暮雨廉纖似入梅  
一春花月欠攀陪  
草生後圃深三尺  
也道身為縣令來

十

海棠洞下醉忘歸  
歲月如馳不可追  
想得千株今合抱  
此生未卜再遊時

再和十首

色深乍擣守宮紅  
片細俄隨蛺蝶風  
到得離披無意緒  
精神全在半開中

二

薔薇難比况金沙一種風標富貴家  
我有公評君記取惜花須惜海棠花

三

千株絳雪照沙灣應笑劉郎帶老顏  
尚有少年情味在戲搜綺語繼花間

四

鳳州宮柳昔曾攀亦醉瓊花芍藥間  
獨有海棠心未足每逢多處必來看

五

別劉園水竹絕幽清花徑繁紅蘚砌青  
何處貴遊開步障誰家生色西深屏

六

徙倚谿亭惜墜芳恨無異域返魂香  
殘枝併恐風吹去挿在金瓶置坐傍

七

忽憶鞞鞍過水西重尋前約未參差  
祇愁人議風沆罪屢出看花數賦詩

八

淡賞無煩羯鼓催解鞍便可坐莓苔莫將花與楊妃比能  
與三郎作禍胎

九

旋挑野菜拾青梅又向花邊得暫陪各選一枝簪白髮明  
年知與阿誰來

十

君憶東湖不久歸我思陳跡恍難追殷勤為報鶯花說止  
有詩情似舊時

水心先生為趙振文作馬塋歌次韻二首

洛陽牡丹隔萬里棘荒姚魏扶不起馬塋近在杭州陌野  
人只向詩中識白朱傳粉初窺墻海棠為屋辛夷房千林  
春色已呈露一株國艷猶秘藏多情荀令香透袖後遊恐  
落都人後搖鞭深入絳鄉解衣全貫黃滕酒淮南初芍藥  
初過兵人何必塞上行墜姻妻壤各有命肯學凍士鳴不  
平移冢欲傍園翁住手開蕪地通蘋者尋芳相口趙蝶飛  
逐臭紛紛憐蚋聚君不見元都吟筆妙燕許詩成却遣世  
人怒君若挈舟獨往時我亦荷鋤相隨去

贈高九萬并寄孫季蕃

諸人凋落盡高叟亦中年行世有千首買山無一錢紫髯  
長拂地白眼冷看天古道微如線吾儕各勉旃

二

菊磻說花翁飄蓬向浙中無書上皇帝有句惱天公世事  
年年異詩人箇箇窮築臺并下榻今豈乏英雄

題何秀才詩禪方丈

景建談之子詩禪丈室寬能將鉛槧事止作葛藤看壞衲  
蒙頭易元機得髓難何因清夜話分我一蒲團

挽邵武洪倅

不識監州面聞名似舊知空餘商榷恨竟失合并時昔作  
大蘇客今觀小謝詩西風丹旆過一為士林悲

挽夔漕王中甫

羽書堆裏挾遺編往古來今盡粲然白髮晚持川口節丹  
旌暑下峽門船生前多半遊榆塞身後終方領木天老去  
一雙懷舊淚誰知滴向建溪邊

二

半瓢丹藥一邛枝萬里西來撫事悲綬著藏中公事定劔

鳴匣內我年衰可憐檄筆今零落尚記綸中共指揮身在  
滄州搔州白首斷腸吟就八哀詩

挽葉潛仲運幹

雖出白貂蟬清貧雪滿顛若無槐簡後一似布衣然讀久  
遺編絕藏深拱璧全悲乎如此士不貴又無年

二

俱入平蠻幕同登出嶺舟交情傾蓋盡世事闔棺休客致  
生芻去家惟斷藁留遙知風雨夜愁絕老參謀

送熊主簿

邑事多商榷惟論未暇論毋慈催扇枕父老謾攀轅新成  
謀何地初呈宿某村西風有來鴈書札儻相存

送徐夏叔

昔與長君親今方識少君極知皆造理何止並能文讀照  
湘中雪吟開嶽頂雲老餘余才思竭搔首念離羣

和答北山

北山當代文章祖孔思周情幸未泯弟子力疲心尚在先  
生齒宿意逾新今無斷鼻成風手古有埋腰立雪人  
不向師門勤稽首一生懷挹對誰伸

挽樓陽叔

白首臨凋瘵，蓬鹽似舊時。勤持一麾止，安用五車為。庫有留州賦，家無葬地資。空餘清儉字，長思使郡人思。

二

平生所歷最崎嶇，不覺周南歲月深。拙宦元無金潤屋，悼亡新有雪盈簪。淒淒德曜齊眉杳，草草黔婁覆首衾。曾忝郡民慚教化，眼看雙旆一占襟。

勞農

江浙膏腴動渺然，惟閩磽薄少平川。可憐老子扶凋邑，絕

似吾民墾瘠田。稍喜一犁翻宿雨，聊為三爵禮高年。太平主相調元氣，春在桑畦麥隴邊。

二

畫簷一夜雨飄蕭，際曉陰靈掃碧霄。有日暫看旗脚展，無風初覺鼓聲調。紛紛竭作趨南畝，稍稍新粒出北橋。白髮長官塵土殺，尚能覓句補風謠。

答惠州曾使君韻

瀟灑使君風度峻，神仙謫墮在人間。只今坐歎凝香處，帝賜羅浮作鎮山。

二

先賢平易以觀詩不曉尖新與崛竒若似後儒穿鑿說古  
人字字揔堪疑

送李參議滕告院挂冠

由來恬退士史冊亦稀疎唐有楊少尹漢惟疏大夫翁能  
辭祿去我欲殺青書今世無名筆誰為寫作圖

枕建昌詹使君二首

又民

南渡鈞樞後宣和節義門依然寡人子不似貴公孫苦李  
無誰採甘棠在處存遙知宦遊地巷哭更招魂

二

稍喜佩銅魚遭迴四紀餘早無人料理晚有鬼揶揄把酒  
言猶在凝香夢竟虛斯人止知此恐坐太清臞

和葉尚書解印二首

郡人不識疾呼聲甘雨和風徧一城歲久偏多遺愛事天  
高未察借留情舟行精舍漁歌晚家近華亭鶴淚清莫比  
歸雲并倦翼先生此念素來輕

二

倦入承明聽履聲朱轡今復厭專城盪胃太華供吟興照



眼伊川洗宦情尊贈何慙高士決琴龜不減昔賢清未應  
便葦東山墅出處方關世重輕

送葉尚書奉祠二首

先生清夢繞林泉黃紙除書拜地仙報答吾君吾相了猶  
祥某水某邱邊事先白傳求聞後銜似溫公約史年溫公領崇  
崇福祠笑向故山猿鶴說古來晚節幾人全

五年

二

身于七色最孤寒每辱黃堂刮眼看乍可都無九年蓄要  
令民受一分寬公閑去伴神司諫我懶思尋靖長官曾出

龍門稱弟子感知唯有寸心丹

挽盧母黃太孺人少逸之妻

太孺賢聲眾論推府君經學里人師牛衣隱約能偕老螢  
火淒涼自課兒疇昔黃齋曾百甕只今丹桂已雙枝烏呼  
盧母哀禁甚何必人題墓上碑

寄熊三簿

一出懸知計已非更堪留滯未成歸即今白首負松菊何  
處青山無蕨薇不恨老從中歲至但悲事與素心違當齋  
寂寞生秋草幾度臨風憶杜微簿聽有當齋取會稽計當  
之義朱文公書扁

寄符夏而

曾識徐卿二子奇，秋來往々夢瓊枝。明明時莫作沉湘賦，  
暇日應題望嶽詩。主愛客卿寧忍死，舍兄嗟予季若為思。  
湖南歲々多迴鴈，頻寄書歸慰別離。

贈趙醫立之

世醫多孟浪，趙子獨傳精。術稔常無誤，能高素有名。方書  
真爛熟，裘馬極鮮明。自笑貧兼病，將何贈宋清。

與北山陳龍圖

耆舊凋零盡，吾猶及太邱。豈云清易挹，自是廣難周。尚綱

煩翁教書紳，到老休何由。陪几杖，共看海山秋。

和趙吉州三首

學者當窮理工，詩豈美名不能裨。采訪徒自取譏訐，責已  
希韋孟。休官慕尚平，如今成病鶴。垂首噤無聲。

二

憔悴東陽令，區々漫自疲。斷無問牛智，寧受放魚欺。儉陋  
交游笑，低平父老知。向來子元子，鬢髯是吾師。

三

今代廬陵牧，蒼生屬意深。胃中絲補袞，肘後藥成金。僕

自操齋髮公宜和舜琴篝灯精舍裏何日共論心

挽傅諫議三首

昔事先皇帝堂堂立玉墀進懷伏蒲疏退誦考槃詩衣郢  
遺言切憂周素髮垂它年耆舊傳此筆屬諸誰

二

今上龍飛始先生驛名頻頗聞曾草疏終不就蒲輪勘破  
邯鄲夢抽回洛社身也令千載下知世有全人

三

憶昔南山寺微言叩未終晚猶溫薦語病尚寄書筒駿廐

誰收我墓陵合殉公春風谿上淚遠與海潮同東

寄二徐

珍重渠家大小君分明二陸是前身遙知洛下傾城看錦  
樣文章玉樣人

答劉通判元崇

不見龍蟻興驥馳紛紛蟲篆鬪蛛絲君侯傑出南方者共  
僕終當北面之憶玉樹枝勞遠夢熏薔薇水讀來詩自慙  
眼非力闕令紫氣浮空惜不知

以王家酒寄陳北山符二絕句謂酒味不如舊日

之勁峭用韻二首

先生詩酒令俱嚴一掃哇黃與市帘戶大寸高今吏部故  
應笑小吏嫌甜

二

醇醪易入醉人鄉勁酒難逢醒者嘗王媪區區真小點隨  
時增損甕中方

和北山一首

幅中高縮挹洪崖閑灑銀鈎著玉杯文律不論先漢後詩  
源遠自國風來却愁小子方攻冉未必吾師肯鑄回極欲

去修床下拜扁舟歸夢繞南臺

送建安鄭尉

路下能說尉一似建溪清寸錦不携去來書相伴行無心  
干舉將有面見賢允應笑東陽令潑留白髮生

答范叔乾

濶矣別離久颯馬顏髮蒼殷勤大范子問訊老劉郎渴睡  
添新懶清談減昔狂今無望氣者寶劍且深藏

送楊休文

寂寞關翁揜縣齋吏傳刺字睡驚回自從黃鶴仙人去誰

遣青牛道來士適夢羽人良有  
共吟石鼎愧無寸殷勤  
問訊西山老何日山中伴訪梅

答羅天驥

乃祖曾吞鳳郎君豈後身頗聞精選理何必慕唐人玉麈  
王夷甫烏條呂洞賓客談溪壑勝終擬卜比鄰

太守林太博贈瑞香花

一樹婆婆整復斜使君輟贈到田家自慙甕牖緇樞子不  
祕香囊錦傘花小惜煖風為破萼旋澆新水待抽芽丁寧  
童子勤封植留與甘棠一樣誇

再和

壞徑沈溪古檻斜居然幻作貴游家小亭自課童鉏草空  
室俄驚女散花便覺麝囊無遠韻頻挑蟻蠹有新芽紫薇  
紅藥催公去獨許詩留野老誇

三和

吏散庭空戟影斜吟牋飛到野人家隋珠和璧難酬價禪  
榻茶甌感負花譜欠名人為品藻詩因尤物始萌芽近公  
匹似熏班馬荀令風流未足誇

四和

吟諷攀翻到月斜衆驚竒寶聚貧家高才合視宮中草退  
士聊看屋角花未必園丁諳樹性更愁墨客笑薑芽西堂  
金堂尚熏蘭麝豈有天然韻可誇

五和

幾點朝來小雨斜未應造物妬山家陡驚春報千秋信擬  
問天留數日花寫物祇今須老筆染根何處有靈芽彩雲  
過眼真如夢憶著追摹豈好誇

六和

拙筆蕪詞字半斜情如見笑大方家放教吉甫獨哦句除  
却微之誰別花勾引親朋須果核擬防風日損根芽玉津  
應制須公等林下樵歌敢自誇

七和

短牋小草墨痕斜句法從來和靖家吟賞豈無神助筆護  
持疑有物司花莫因山鳥啼榕樹使憶河豚豚飽荻芽多  
少邦人沾賸馥願碑遺愛永傳誇

和趙南塘離支五絕

側生海畔遠難將風日尤能變色漿借問葉驛馳丞相府  
何如輦致道山堂

二

却貢無因送上天漫山如錦但堪憐羅浮所產真奴隸只  
為曾逢玉局遷

三

十顆千錢品最珍北人鮐背未濡脣若生京洛豪華土冒

斷丹林肯算緜

緜玉盛時  
顆直百錢

四

輦轂嘗新著價高土人棄擲梗弁毫不嘆園客工偷竊絕  
喜天公享老饕

五

風韻能令百果低難將盧橘鬪新奇品題自合遠詩祖模  
寫何須覓画師

築城行

萬夫噓口不停杵口聲丁口驚后土徧村開田起窰窰望  
青斫木作樓櫓天寒日短工役急白棒訶責如風雨漢家  
丞相方憂邊築城高功除美官舊時廣野無城處而今烽  
火列屯戍君不見高城鬻口如魚鱗城中蕭疎空無人

開濠行

前人築城官已高後人下車未開濠西園先至中書省諸  
公聚看稱賢勞壕深數丈周十里役兵太兵化為鬼傳聞  
又起旁縣夫鑿教四面皆成水何時此地不為邊使我地  
脉重相連

### 運糧行

極邊官軍守戰場次邊丁壯皆運糧縣符旁午催調發大  
車小車聲軋軋霜寒各短路又滑擔夫肩穿牛蹄脫嗚呼  
漢軍何日屯渭濱營中子弟皆耕人

### 苦寒行

十月邊頭風色惡官軍身上衣裘薄押衣勅使來不來夜  
長甲冷睡難着長安城中多熟官朱門日高未啟關重  
幃箔施屏山中酒不知屏外寒

### 國殤行

官軍夜半血戰來平明軍中收遺骸埋時先剝身上甲極  
成叢塚高崔巍姓名虛掛陣亡籍家寒無俸孤無澤嗚呼  
諸將官日亨豈知萬鬼號陰風

### 軍中樂

行營面日設刁斗帳門深日萬人守將軍貴重不據鞍夜



夜防隘口自言虜畏不敢犯射麋捕鹿未行酒更闌酒醒  
山月落綵纈百段支女樂誰知營中血戰人無錢得合金  
瘡藥

寄衣曲

征夫去時著紵葛征夫未迴天雨雪夜呵刀尺製寒衣兒  
小却倩人封題上有淚痕不教洗征夫見時認針指殷勤  
著向邊城裏莫遣寒風吹膝理江南江北一水間古人萬  
里戍玉關

大梁老人行

大梁宮中設毳屋大梁少年胡結束少年喜笑老人悲尚  
記二帝蒙塵時嗚呼國君之讎通百世無人按劍決大議  
何當徧師縛頡利一驢馱載送都市

朝陵行

國家諸陵陷河北盜發寶衣斧陵木或言林下往來人夜  
聞翁仲草間哭何年卻遣朝陵官舍桃摧粲登金盤悲哉  
人家墳墓各有主誰脩永昌一坏土

破陣曲

黃旗一片邊頭迴兩河百郡送款來至尊御殿受捷奏六

軍張凱聲如雷元戎劔履雲臺上麾下偏裨皆將相腐儒  
筆力尚跌宕燕山之銘高十丈

村居書事

有客相逢說坎離葫蘆中藥不容窺扣頭無力營丹竈聊  
奉先生一醉資

二

新剎閣梨頂尚青滿村看說法華經安知世有彌天釋萬  
衲如雲座下聽

三

卜叟囊書繫肘邊兒童尊信等神仙立談筭盡平生事問  
到封侯拜相年

四

刮膜神方直萬金國醫曾費一生心可憐墜髻提籃者也  
有盲人問點鍼

後村先生大全集卷之八

後村先生大全集卷第九

詩

挽陳北山

雖拜龍圖號自稱槃澗翁  
生難招此老死可見文公斷簡  
功夫久深衣笑語終空餘藏藁在虹氣貫山中

二

掘筆臨池慣殘書映雪勤  
今寧無古篆宋復有唐文  
荒草周禹宅空山董相墳  
何時携斗酒一酌墨溪雲

送五六弟赴四明倉官

歲

子去為倉事人應重客卿  
須憐春歎苦勿愛釜鍾贏羊貴  
睥神厄後佳肺氣平親闈最關念  
頻寄鴈傳聲

挽龔汀洲

早日曾廬墓中年懶建牙的無金遺子  
僅有笏傳家窮巷  
觀時事叢祠閱歲華  
天乎清白吏名位止斯耶

二

所守老尤剛清風凜不亡房無粉黛室屏紫洞黃東閣  
導遺令南山獻吉藏百年耆舊盡里社轉淒涼

送戴復古謁陳延平

倉部當今第一流艱難有詔起分憂  
城危如卵支羣盜膽  
大于身蔽仁游應是孔明親治事  
豈無子美可參謀君行  
必上棘門謁為說披蓑弄釣舟

挽外舅林明道

開處功名少開中歲月長  
漢曾招綺季魯僦有靈光  
玉雪生難澆淵水死未忘  
兩川殘父老懷惠各悲涼

二

少小親函丈而今白髮生  
居然明我穢久矣愧翁清  
川逝悲賢淑山顏惜老成年  
來得瘡疾相挽不能鳴

東陳寺丞築城

事變相尋智亦新  
爛沉堆起石嶙峋  
斷無餘力謀蒸土  
頗有傍觀哂寘薪  
自古虚心容議者  
即今腹役耕民姑  
尤聊攝皆齊境  
莫遣郊封有詛人

答楊昇

一生忠孝發于詩  
不為桃根與柳枝  
棠李流傳客有偽  
箋家穿鑿苦求竒  
偶全要領慙輕典  
虛嘔心肝悔少年  
時澤畔纍臣搔白首  
孤吟不敢累親知

挽方岳倅

昨解巴陵綬  
將尋洛社盟  
瑩埋真可惜  
玉立向如生  
舊轍冰天遠  
新瑩雪瀨清  
惟應帶來鶴  
解作斷腸聲

梅雨隳城自用前韻

疊石黏灰事尚新  
忽因霑漬減嶙峋  
晉陽昔僅存三板  
瓠子今誰助束薪  
恃陋竊憂難禦寇  
加工却恐信勞民  
狂生亦豈前知者  
曾是遺城荷杵人

跋某人詩卷

元祐賦律古熙寧  
經義新請君忙  
改藝詩好誤終身

城壞復修又賦

補罅扶傾手，段新舉頭千尺。復嶙峋主謀，何止堪尸祝。妾  
議真當抵鬼薪，見說傳更增邏卒。已聞犯夜少奸民，小偷  
不辦公輸械。遙望須驚彼有人。

留山間種藝十絕

梅

鄙事闕人智，淺深漆堪成。器楮堪衾，自憐到死猶迂濶。純  
種梅花作墓林。

菊

羞與春華艷，治同殷勤培。溉待秋風不須牽，引淵明比隨。

分籬邊要幾叢

松

一生著數落人先，白髮栽松故可憐。待得伏菟堪採掘，此  
翁久已作飛仙。

蘭

蕭艾敷榮各有時，淡藏芳潔欲奚為。世間鼻孔無憑據，且  
伴幽窓讀楚辭。

桃

歲日春風花覆牆，摘來紅實亦甘香。當時若種瑤池本，却

恐河清未得嘗

桂

謔言自昔駕空虛  
惹惹非珠偶似珠  
半夜庭中金屑滿  
老夫明日費分疎

柚

兩樹亭上蘚砌傍  
未論已貢奉君王  
世無班馬堪熏炙  
且嗅幽花亦自香

笑花

春風滿面喜津津  
總有嗔拳不忍嗔  
尚恐傍觀安注脚  
笑

他何事與何人

末利

一卉能令一室香  
爰天尤覺玉肌涼  
野人不敢煩天女  
自折瓊枝置枕旁

芭蕉

攪醉妨眠挾雨聲  
碧叢宜看不宜聽  
而今一任蕭蕭  
滴華髮螺翁徹夜醒

寄題邵武死事胡將祠堂

士各全軀命唯侯  
視死輕張巡  
須盡怒光軫  
面如生短刃

猶昂冠空拳尚背城新祠簫鼓盛人敬比神明

寄題沙縣死事祝將祠堂 文蔚之子

淮右多良將吾猶識祝侯虎生能肉食豹死有皮留鐵漢  
為揮涕水翁興雪雉 童侯獲賊剖心以祭 標名忠義傳榮甚復何求

挽王簡卿侍郎三首

先帝初更化公曾以諫聞身雖遷柱史袖尚有彈文晚境  
圖成佛它山預作墳那知非變幻止在石橋雲

二

未著尤奇特杯行忽坐亡無香分侍女有硯遺諸郎長樂

旌旗改平泉竹石荒公今呼不應浮議果何傷

三

已矣孤知己蒼顏鬢髮稀雖曾參話柄終未契禪機尚欲  
扁舟訪俄傳隻履歸無因拜公墓稽首懺前非

題高九萬菊圃

胡公飲菊潭八十冠貂蟬高叟飲菊圃六十雪滿顛胡公  
死無名高公叟生無權二隨糞土盡名與宮壤傳劉生勸高  
叟世事不兩全飢且食落莫渴且斟寒泉快吟三千篇多  
活五百年



挽陳師復寺丞二首

已奏囊封墨尚新又携袖疏榻前陳小臣憂國言無隱先  
帝如天笑未嗔闕下舉幡空太學路傍卧轍幾遺民忠儒  
未解天公意偏壽它人天此人

二

歲晚滄洲築草堂却將蓬掖換軒裳市朝共歎鳳高翥世  
俗或疑麟不祥童子舉扶猶抗忼慨門人要經各淒涼哀殘  
無復相鏤切遺墨常留几案傍

別高九萬

花翁徒步悲詩境菊圃春糧哭復齋衆客食魚彈缺去幾  
人白馬素車來尋思舊事成三歎斷送諸入賢八哀信矣  
兩生俱烈士有金當為高臺

贈建陽鑿士楊椿老二首

當年琴調絕平七妄意先賢宰武城邑有澹臺猶欠識始  
知令尹未聰明

二

晚愛明書意未長無身始與患相忘殘年頗覺飢難忍未  
敢貪君不死方

祝潘柄

復齋之客潘夫子生死相從未忍分薛字道潔頗曾參道潔志完  
何可欠承君魯生邀飲猶同去龐嫂來呼已不聞菽舍一  
厄真永訣老無脚力拜翁墳素溉字道潔薛常州李宜從之學易

贈禪書記二首

野老柴門不慣開有僧飛錫自天台前身莫是塞山子携  
得清詩滿袖來

二

棒喝機鋒捷似飛推敲事業費尋思師歸定被叢林笑腹

裏無禪却有詩

答黃鏞

少年妄意假韶鳴憂患欺人兩鬢星此去真當盟社友向  
來不合誑山靈百年如夜何由旦萬古唯天只麼青若到  
桐城逢舊友為言多醉少曾醒

答陳珽主簿

主簿佳公子何曾染綺紈果能磨鐵硯真可軟銅盤君壯  
雷驚蟄吾哀月缺圓太元云月闕其圓不如開明于西家貧無瑤貝珍

財欲酬難

寄題南康胡氏春風堂

芋魁菜甲必同食石田茆屋不忍析有時對床聽風雨有  
時共灯窺簡冊大兄獨抱古人群道季谷修弟子職一門  
和氣常如春紫荆花開庭草碧宛然生在舞雩時又若坐  
于明道側吾嘗三復棠棣詩周公千載有慙色共黎分棗  
能幾何摘瓜煮豆堪太息區區錐刃未足讓伯夷避國採  
薇喫若能聚族真卓行余亦為兄愧涼德暮年有意觀廬  
山因作春風堂客

送孫明府

兄弟繼為邑宰

三年于赤子摩拊極殷勤令尹留方寸吾民受一分宛如  
小勝國突過大馮君四境風謠美誰公必采聞

答陳璘司戶

丞相詩高妙諸孫亦復奇惠連康樂弟子美審言兒三舍  
猶當避偏師未易支老耒却怯酬唱欲速反成遲

草邨蒲散天基節即事六首

老作黃官冠返舊山尚支驛料破衙官孤臣毫髮皆君賜  
獨坐風廊不覺寒

門廡無人殿未開  
白頭散吏久徘徊  
年日歲日千秋節  
長占群官第一來

三

聞說都人競出嬉  
御街簫鼓信年時  
相公八奏天顏喜  
半夜揚州送捷旗

四

約已隆親禮不同  
鈞天無譙賜臣工  
太皇勲德侔高帝  
陛下謙恭似孝宗

五

野袖<sup>袖</sup>云云祝聖躬  
亦拈拂子演宗風  
恨渠僻陋無聞見  
不識光公與杲公

六

小臣無狀挂丹書  
遠著青袍兩載餘  
物色依然如碧鶴  
階街久矣削緋魚

挽王華甫提刑二首

一作行狀

卅角從諸老麻衣  
客五侯風雲疑返手  
江海不迴頭寂  
生堪笑皇日死未酬  
空餘老智識門戶  
著窮愁

二

何必求佳傳家庭論自公穎濱碑玉局曲阜狀南豐轡遠  
方追電箏調每值風汲知有遺恨不 捷旗紅

送黃鏞詩卷

曾伴靈芝湖上吟當年一悟至如今源流不亂知歸趣篇  
什無多見苦心貫虬功夫須切近贈鯨力量要雄汲暮年  
誰可談茲事豈有村醪且自斟

徐懋功餉酒用其韻

少時酒伴盡豪雄歲晚銚壘一併空方歎獨醒吟澤畔忽  
勤分餉到籬東鯨鯨有量真溟滓螟蠃無知妄異同若矣  
此身何處著便應埋向醉鄉中

答陳瑄修職

陳氏源流遠吾猶及紀章昔惟知伯氏今又識郎君後學  
尊師友先賢賤藝文滄洲書冊在努力緝前聞

挽陳孺人

昨吊空閨淚未收忍聞緋萋向斯邱不為尚子了家事似  
與龐公圓話頭天下斷無膠可續人間最有劔難求潘郎文  
筆尤宜誅想見新碑字已愁

壬辰春上冢五首

城南

一開幽堂十九年萬松手植已參天懶隨人乞郭東祭自  
與母耕綿上田試問拂雲施鶴表何如藉地薦豚肩此身  
六合安閭里長為先君掃墓阡

西樓

溪草林花爭碧紅傷心黃壤悶芳容短松明月易陳跡斷  
雨殘雲難覓踪伊昔老盆常共酌即今敗絮倩誰縫白聞  
一斗倉陳粟薄暮歸來獨自春

郭西 高大父

自古佳城屬吉人郭書王識豈能神掃松稍喜衣冠衆薦  
芟何妨俎豆貧委巷起家<sup>真</sup>其世德分山葬友等天倫側傍

即黃香塚冥漠之中尚卜鄰黃芻季野名士也死而無子父葬之于高祖墓傍

中嶼

憶昨隆乾致太平諸賢聳聽鳳先鳴奏篇不愧登瀛選拂  
袖難留出畫行當日伯夷兄弟瘦至今楊震子孫清定知  
千載墓陵路尚有行人酌董生

壽溪

水如綬帶山如抱函手難攀一段奇松下可澆三奠去墓

傍安用萬家為虹來昂首寧非瑞蛟徙無踪若有知非角  
釣游令白髮重尋陳跡不勝悲

曾大父臨終有虹入室墓前昔皆深潭蛟所窟宅也

### 訪陳綱草堂不遇

細路縈紆入野田遙瞻竹樹已欣然青苔地滑跌盧老蒼  
耳林深迷謫仙不羨玉堂在天上徑須茆屋占雲邊極知  
謝客非為亢貪看林花聽澗泉

### 題陳遂卿隱居

蚤日稱雄翰墨林暮年里巷且浮沉諸公自負遺賢愧此  
士元無謗國心

杜牧送薛處士序處士之名自負也謗國也

子佩子衿輸少俊

某邨某水棟幽深明時莫作逃堯計忽有弓旌底處尋

### 綿亭林逸人扁所居室曰藏暉求詩

先生讀易注參同築室雲山第幾重昔遇壺邱疑見怪今  
於老子信猶龍方靈有物司丹竈符驗無妖血劍鋒只恐  
欲藏亡未得世人往亡或知蹤

### 題白渡方氏聽蛙亭

塘水拍隄科斗生想君亭子俯幽深黃梅雨足野田潤壯  
麴煙輕村野晴莫信人嫌無理鬧頗疑渠有不平鳴西堂  
方喜聽琴阮誰愛天然律呂聲

贈鍾主簿父子

旗鈴按迹向西馳，丹桂靈椿並一時。  
競說郎君能跨竈，頓令老子欲笞兒。  
妙年不患雖無穎，前輩曾言本就規。  
相國晏公元楚產，何須千里遠求師。

寄趙簡叔知宗

造物方將貴此翁，煌煌三印屈盤紅。  
燄天不受朱牟浣，表海新兼鉄鉞雄。  
詩滿名山留妙墨，船歸外國說清風。  
何當把臂登雲榭，共看鯨波浸碧空。

贈豫知子

隔膜能知人脉肝，瞭如燭照與龜鑽。  
敏于一行推棋子，似堯夫測牡丹道。  
是鬼未疑太黯，驀然仙去覓應難。  
身今槁木寒灰樣，慙愧巫咸子細看。

簡叔和詩再寄一首

棄置而今成秃翁，君思量緒太倉紅。  
着鞭縱落諸公後，揮麈猶堪一世雄。  
花月三千篇絕唱，海天九萬里剛風。  
曾中本自無冰炭，况讀君詩益掃空。

寄章貢姚別駕

贛江當月血成川，誰肯身馳不測淵。  
測尺檄約降諸峒，靜單



車禽畔一城全帶刀俗染唯新化橫梁詩刊第幾編相與  
元龍譏世事亦憐踈拙老林泉

三寄簡叔

屢有詩貽田舍翁燈花常至夜滋紅莫嫌雲榭文書冗稍  
喜冰銜職任雄健吏安知元結事貧夫愧死怕夷風得君  
厚祿吾何患從此樽中酒不空

寄張貞姚使君

處在江西尤鉅麗極知君相選侯難肯從多法懷州級今  
少詩人上將壇斂戍官兵甲拆洗放衙豁洞報平安哀頽

欲納轅門謁却怕崆峒臘雪寒

蔣邁說易

新圖別義初拈出四座皆驚昔未聞定是胃中通衆數或  
於夢裏見義文向來夫子編三絕近世名儒說七分自笑  
腐生尊古註可能挾冊便從君

讀金鑿密記

仗下千官走似腐倉皇誰扈屬車塵禁中陸九艱危共殿  
上朱三苦死喚當日橫身抗岐汴暮年避地客甌閩小窓  
細讀金鑿記始信香奩屬別人香奩集和凝作非致光也

哭鄭君瑞長官二首

自解銅章後終身耻折腰偶然安舊隱非不戀清朝新水  
終能給弓旌未易招墳山梅似雪猶足配清標

二

史著陶潛卒何妨爵秩畢竟無  
訖米帖止有采薇詩舊友  
誰為誅新阡尚欠碑中年哭同志孤立可勝悲

獲硯

二硯溫如玉琢成信知天地有精英  
馬肝紫潤尤宜沐鶴  
眼青圓宛似生來愛潘郎呼作友便教米老拜為兄今年

几案多奇獲應是窮儒命漸亨

再獲一硯自和一首

三硯聯翩買券成絕勝玉杵聘雲英  
拊摩無粟向飢起塗  
抹有花從筆生韞匱每愁逢慕容  
傾囊或笑費方兄古來  
事業由勤苦不信磨穿道不亨

蔡偉叔講通書

蔣君易學高無助蔡子重來講杏壇  
絳帳先生移席聽青  
衿學士堵塙觀舉揚霽月光風易箋  
注先天太極難穩坐  
虎皮揮麈尾豈知春雨客氈寒

遺編

短髮蕭々老日侵遺編未敢廢研尋薰蕕理慾迷通義表  
斧怒忠邪害怒心篤信聖賢常事左稍知治亂每憂汲人  
生有腹當盛酒誰遣吾儕著古今

一念

一念終萌帝已臨豈容纖芥自欺心夜猶養氣操存熟晨  
偶科頭驚懼深跌宕少曾管席葛歛藏晚欲學業參小窓  
稍覺春霄冷自設篝鑪置褚衾

貧居自警三首

昨者匆々擲印歸六年岑寂閉柴扉歲荒奴僅拾殘穗日  
晏婢方羨苦薇寧渴莫賒鄰近酒儘寒不著借來衣中年  
但祝身強健安卧松風坐釣磯

二

赤粟黃蘗味最深此生不恨老雲林鬼神每瞰高明室天  
地皆知暮夜金夸士燃臍猶殉貨先賢覆首或無衾一瓢  
千駟同歸盡莫為浮雲錯動心

三

客過吾廬語至捕旋營盍酌刈薪芻酒兼鱗脯不時有飯

與魚羹何處無

荆公云何處無魚羹飯喫

力學弗忘家世儉堆金能

使子孫愚俗兒未識病中樂妄議書生骨相懼

### 寒食清明二首

寂上柴門村落裏也教挿柳記年華禁烟不到粵人國上  
冢亦携龐老家漢寢唐陵無麥飯山溪野徑有梨花一樽  
徑藉青苔卧莫管城頭奏暮笳

### 二

過眼年光疾彈丸桐花半折燕初遠漢宮有燭朱門煖墨  
突無煙白屋寒寧復鬪雞陪戲社頗思携鶴訪孤山今年

林與金同價偶得茆柴且盡歡

### 上已

櫻筍登盤節物新一筇踏遍九州春似曾山陰訪修竹不  
記水邊觀麗人豪飲自憐非少日後遊亦恐是前身暮歸  
尚有清狂態亂挿山花滿角巾

### 村墅

村墅溪亭處已嬉新年海岱悉清夷盜平四海無驚折虜  
去三邊有捷旗子美間闕離亂際堯夫生死太平時從今  
一洗窮愁語多賦看花飲酒詩

進德

進德功夫有淺深一毫間斷即差參醉無謬悞明持敬怒  
亦中和見養為善豈須朋友責積勤常若父師臨向來歲  
月悠々過垂老方知退自箴

答梁文杓

二梁太學同袍舊晚識郎君亦雋才柳永祠堪腔裏唱劉  
义詩膽中來老夫一榻何曾下吾子扁舟作麼迴見說桐  
城方調卒未應能築禮賢臺

哭章泉二首

自有箴瓢樂那須璧帛迎後凋仁者壽獨往聖之清古不  
稱千駟今猶重兩生吾衰久無淚一慟為耆英

二

小扉通水竹幽絕少比鄰家似巢栖者詩非火食人於今  
無宿士若昔有先民疆作徵君誅居然語未親

贈馬相士二首

嫗貌何妨至輔臣猴形亦有上麒麟伏波眉目空如西  
不是雲臺劔佩人

唐人嘲歐陽詢云誰令  
麟閣上西此一獼猴

二

苟卿粗了心形者，崩徹安知背面哉？別有精微書不載，待君見了季咸來。

余為建陽令，遣小史王堪為西山翁之役，翁留之仙遊山房，招鶴亭之上，令抄道書，久之若有所悟。棄家不歸，後六七年訪余田間，敝裘跣足，真為道人矣。自言欲謁翁於桐城，作五詩送之。

向來刀筆充書佐，歲晚衣巾道學流。畢竟賢于人一著，醉中夢裏忽回頭。

二

拂袖歸來久閉關，道人剝啄訪平安。要知對面劉高尚，即是身請長官。

三

去卜尋師莫遠尋，蓬萊何處海深。山房幸有棲身地，且讀西山夜氣箴。

四

聞說周仙有後身，出山不為兩朱輪。白雲丹竈俱無恙，憑汝殷勤謝主人。

五

或盤碧漢唳青霄，綫載山中伴寂寥。今日鶴來翁已出，它年却恐費翁招。

和南塘倉倉荔歎

君欲和詩無勿已，唱首天下文章公。今年荔子况倍熟，亭  
亭鏡蓋高張空。猿偷鴉啄牧童採，林間殘顆猶殷紅。在昔  
唐家充歲貢，吟諷何止杜陵翁。南窮交趾州，西蜀土快馬  
馱送如飛龍。絳裳冰肌初照眼，玉環一笑恩光濃。惟聞以  
遠幸免澆，一顆不到溫泉宮。自從陳紫無真本，皺玉晚出  
尤稱雄。邇來雞舌擅瑰瑋，贊香譽味萬喙同。麟臺仙人親  
題品，天為此果開遭逢。乃知微物似有數，聲價亦與時污  
隆。列聖儉德被華戎，微如淮白不敢供。奈何置驛奉私室，  
安得木鐸觀民風。山溪谷壑日力窮，血肩跪足馳筠籠。請  
公移此食荔歎，置在薰風殿閣中。

後村先生大全集卷第十

詩

送真西山再鎮溫陵

父老香花夾路催  
朱幡那忍更徘徊  
弓張至此尤宜弛  
珠去安知不復回  
海上有艘堪致粟  
洛中無篋勝生財  
衆人畢竟修何福  
消得西山兩度來

水仙花

歲華搖落物蕭然  
一種清芬絕可憐  
不許淤泥侵皓素  
全憑風露發幽妍  
騷魂灑落沉湘客  
玉色依稀捉月仙  
却笑



涪翁太脂粉誤將高下匹婣娟

葵花二首

植物雖微性有常心翻覆至難量孝陵衛律陰守山死不似葵花識太陽

二

下了江南奏凱迴曹公鞅鞅未忘懷爭知野老門庭旌節無心忽自來

題鄭寧文卷 西山作跋

昔侍西山講習時頗于函丈得精微書如逐客猶遭絀辭

取橫汾亦恐非箏笛豈能諧雅樂綺紉元未識浚衣嗟余老矣君方少勤向師門扣指歸西山先生編文章正宗如逐客書之類止作小字附見內詩歌一門初委余裒輯余取秋風辭西山欲去之蓋其議論森嚴如此鄭君試以此意求之可也

悼阿駒七首

吾老方期汝元宗愛憐不與衆雛同豈知希世千金產止作空花賺乃翁

二

長兄開卷每隨聲大母繡經亦諦聽眉目分明無天法恐緣了了與惺惺

三

北轍南轅有返期  
吾兒掣手去何之  
夢中玉雪來懷抱  
愁絕鄰鍾喚醒時

四

隔日猶能喚女兒  
兒于孝友殆天成  
直須見汝蓮花上  
終得胸中一點平

五

富貴威權得自由  
收融二子殺楊修  
閑人于物無恩怨  
那得倉舒只麼休

六

眼有玄花因悼亡  
觀書對客兩茫茫  
情知淚是衰翁血  
更為烏童滴數行

七

人生憂患本無涯  
強取瞿聃語自排  
吾母白頭猶念我  
吞聲不敢惱慈懷

鄭寧示遺報走筆戲贈

曾客嫖姚與伏波  
慣騎生馬擁琯戈  
金臺有命終須築  
鐵硯無功亦且磨  
見說帛書來汝洛  
又傳氍帽迥淮河  
只今

西北多機會吾子南歸意若何

挽劉學諭

徐尤溪鹿鄉之婦翁豐城人名履

少游鄉校至華顛常以壘盞養浩然科舉法行無譽士邱  
園禮廢有遺賢劉蕢下第人稱屈李漢編文後必傳聞道  
諸郎皆秀孝拂雲華表看它年

送陳戶曹之官襄陽二首

琬

丞相曾參督府謀即君今復贊邊籌彼哉金谷飲今夜去  
矣玉關防盛秋尺度豈能拘快士功名斷不在中州習池  
水滿堤花艷安得相陪賦遠遊

二

幕府秋風事日生參軍匹馬戴星行起爲楚舞何其壯今  
退胡兵在此行且喜峴山碑有跋不愁江表傳無名老儒  
那復封侯夢止願躬耕看太平

盱士張季彗所注王三略訪西山先生旣跋其書  
余復題二絕於卷尾

張生快士非拘儒神出一編相研書撲虱拍蚊吾不忍斷  
蛇刺虎子何麤

二

千里從師細講評，橫渠昔亦謁高平。自從受得中庸了，止說西銘不說兵。

送湯伯紀歸番禺

葉宗所產必人英，久見諸賢說父兄。荀氏晚添文若出，楊家又有敬之生。進堪負荷斯文責，退亦流傳後世名。身老荒村無可恨，獨於佳友尚關情。

病後訪梅九絕

夢得因桃數左遷，長源爲柳忤當權。幸然不識桃併柳，却被梅花累十年。  
鄴侯詠柳云：青青東門柳，歲晏必樵悴。楊國忠以爲譏已。

二

先生歲晚被人疑，梅畔渾無一字詩。明月清風愁併案，野花啼鳥怕隨司。

三

區區毛鄭號精專，未必風人意果然。犬豕不吞舒豈唾，豈堪與世作詩箋。

四

和靖林間歎嗽時，一邊覓句一邊飢。而今始會天公意，不惜功名只惜詩。

五

老子無糧可禦冬  
強鳴飢吻和寒蛩  
舍南舍北花如雪  
止  
燕清香飽殺儂

六

與梅交絕幾星霜  
瞥見南枝喜欲狂  
便欲佩壺携鐵笛  
爲  
花痛飲百千場

七

一聯半首致魁台前  
有沂公後簡齋自是君詩  
無警策梅  
窮殺幾人來

八

春信分明草到廬  
呼兒沽酒買溪魚  
從前弄月嘲風罪  
即日金雞已赦除

九

菊得陶翁名愈重  
蓮因周子品尤尊  
從來誰判梅公案  
斷  
自孤山迄後村

陪西山遊鼓山

先生廊廟姿非直  
藩翰才南州  
彩旗留北闕  
丹詔催重臣  
方暑行停驂  
小徘徊  
客中載枚鄒  
物外尋宗雷  
遂窮天海

觀一豁風雲懷眷言此靈山自判宇宙來登臨幾朱輪滅  
沒隨飛埃堂堂蔡與趙繼者其誰我哉共惟勲業倅况乃  
名節借伊余忝載筆適值祖帳開雖倍叔子游獨抱湛輩  
哀餞詩堪覆甌不敢鑄蒼崖

鼓山用餘干趙相韻

城郭區區一聚埃江南山如此信佳哉挾龍相國騎箕去  
招鶴仙人弭節來試問炊梁成短夢何如煨芋撥殘灰危  
亭更着文公扁日落山空未忍回

題真仁夫畫卷

草木黃落水雲莽蒼孤舟卸帆凍鴈失行昔余遠遊沿灘  
泝湘堠長店踈僕痛馬僵行李蕭然有詩滿囊今其老矣  
寧至四方撫卷追思歷歷不忘

題龍眠十八尊者

嘗聞天台境肉身往無仁夫示此圖恍惚游其中往從應  
真一一若舊識或踞恠石臨飛淙山鬼投牒何敬恭天女  
問法尤丰茸盆魚髻鬣等鍼粟放去天矯擎空濛山深無  
人地祇出被服導從倅王公前驅驚獸後夔魍徐行殿以  
一瘦筇嶢嶢蒼壁謾謾松下有老宿眉雪濃石橋滅沒雲

氣斷似是鬼國非  
天宮層氷融結挾怒瀑  
毒氍噴薄含腥  
風至人於此方入定  
壞衲冪首枯株同等閑  
一坐六十劫  
汝技有盡吾無窮  
書生往往談性命  
休以禍福猶兒童  
倒持手版口勸進  
對此寧不面發紅  
我知龍眠筆外意  
要與濁世鍼盲聾  
退之釋善變幻愷之謂畫  
能神通幻耶神耶  
兩莫詰與子持叩西山翁

米元章有帖云老弟山林集多於眉陽集然不襲  
古人一句子瞻南還與之說茫然歡久之似歡渠  
偷也戲跋二首

大令云亡筆不傳世無行草已千年偶然遺下鵝郡帖生  
出楊風與米顛

二

二集一傳一不傳可能寶晉勝坡仙  
蘇郎不醉常如醉米老真顛却辨顛

世傳老米有辨顛帖

跋周忘機畫一首

周郎詞藝妙天下似是詩家非畫家  
寧與嵇公寫琴操不為盛尹作梅花

題林戶曹寒齋

取鄭介夫積雪冒寒齋之句

舉世爭馳勢利場君於冷處看人忙不營摩詰散花室只  
設蘇州聽雨床種果園林無虎守勘書牕几有螢光直須  
喚起西塘老來向齋中伴石塘

呈黃建州

當年虎穴挺身臨匹馬平欺萬綠林余欲關弓常掩涕汝  
能賣劍即回心歌廉民已嗟來暮微管吾安得至今欲謁  
鈴齋參嫡派管蠡何敢測高深

過建陽二首

溪上重來兩鬢絲豈知拙政久猶思旄倪欲見葉公面香

火共存朱邑祠爭勸令君持酒琖不容老子閉車幃誰言  
俗薄今非古我與斯民各秉彝

二

白布羣襦雪滿顛携扶偃僂拜車前皆言瘦氏相因粟猶  
是君侯不飲泉自古活民須有備即今去客愧無權愚公  
老矣癡癡如故長把心燈望後賢

過章戴二首

魯瘦新阡何處尋橋邊感舊獨沉吟一生欲唾姦謏百千  
古難磨道義心溪昔放魚晴緜緜門今羅爵冷泠泠發潛



賴有西山筆何日碑成勤碧岑

橋下魚萬計君所放也

二

曾向明時說李邕又聞名在聘賢中  
憶言鴟吻施茅屋忍見龜扶立  
柏官杯酒昔常陪賀老隻雞終待哭  
喬公情知容淚先難制鄰笛那堪咽  
晚風君為閩漕欲請余為屬既而曰茅屋設鴟吻乎遂止

答李泉州元善

平生陳無已白首欠吟債未嘗交馬  
呂况肯見章蔡附熱生可鄙中寒死  
亦快吾方尚此友巾車與同載前瞻  
有膺滂却固有融秦要當堅一壁詎  
可立兩界怒乎行諠虧希

也名節壞史君惠良箴下走敢不拜  
懷哉道交異此姑息愛

送趙信州

君於列朝號名流信在江東亦望州  
保抱彼民思父母齋齋咨吾輩惜交  
游香凝應物吟詩榻虹貫元章載畫  
舟澗上東邊今寂寞豈無遺藁待搜  
求

二

貧者誰言可贈行臨分握手盡交情  
馬於轡力窮時駭鷗向機心動處驚  
齊士豈無堪容禮蔡人便遣作牙兵  
遙知

陌上羅敷女競看雙旌出勸耕

題趙子固詩卷

紫芝仲白俱仙去晚秀惟君擅士林字肖率更親手作詩  
疑買島後身今九成合奏音方備三染為纁色始深老去  
尤於朋友篤未忘几研琢磨心

題湯伯紀程文

設詔書選後宮衆女競媒致拂鏡濃畫眉臨風高館髻朝  
獨猶東鄰居夕已金屋貴彼姝絕代姿綽約乘雲氣箴史  
合古趣佩服與今異宜哉寤寐求惜也憔悴棄君門深復

深歲遣花鳥使

和高九萬雪詩

添書畫綿衣體未和小窻柰此苦寒何極知上竺僊人喜  
不道長安貧士多窮巷都無晨噪鵲邊城應有夜驚鶴君  
才堪續梁臺賦早晚樓船濟汴河

答曾無疑校勘

詩到黃初字未永和半生西望邈明河已招學士來儒館  
更欠山人拜諫坡李渤种放四庫舊存有機五朝遣老苦無多  
傳聞將講臨雍禮小駐驪駒白玉珂

題袁秘書文藁

塲屋聲名淳紹初同時一輩曉星踈舉人尚說前鄉貢天子亦呼行秘書出蜀詩堪編杜集涉湘文可補騷餘中朝典冊須鴻筆何必然藜照蠹魚

題廬陵羅生詩卷

門巷簫然人迹少華裾容子袖文過織千機錦非常巧熏一銖香已覺多持贈白雲情厚矣暗投明月愧如何桃花水煖鱸堪鱸恨不相携買短策

陳夫人哀詩 同父之女

龍川天下士女子節尤竒孟女遷鄰訓共姜誓已詩生無封國分沒有表阡時曾識雙珠樹聊為補些辭

挽連夫人

陳侍郎公蓋之母代洪侍郎作

渡江門戶已華簪嫁得黔婁作藁砧疇識曾為賓截髮暮年親見子腰金瀧阡新刻豐碑妙防墓重封宿草深憶與夏卿聯禁路些辭題罷一酸辛

參預陳公挽詩二首

人歎搞毫妙天知補袞忠力猶挽元氣身已御長風家譜倅洪氏官稱似范公獨憐蕞鯽莫不得至茗中

二

聖主初調瑟煩公數寄聲已來同大老尚致魯諸生不至  
餘尊盡西歸隻履輕中年知己淚銷得幾回傾

又二首代洪給事作

世道方憑藉云胡不憇遺重如鎮喬嶽寬可納須彌鷓閱  
開無日墓陵窆有期嗟余哀久矣告第乏雄辭

二

不謂斯人天堂堂在日中曾參黃面老肯戀黑頭公性理  
天淵徹榮華露電空獨餘章奏在聖主託遺忠

送王實之

欲去還留每自憐竟為吾子着先鞭孤忠盡見萬言疏十  
口同登一葉船屈法相全煩聖主上書俱貶愧前賢南歸  
定過西山下細把行藏告墓阡

重餞趙信州分韻得寢字

近甸騷屑餘當宁焦勞甚刻符寄非輕弄印擇已審盎然  
春風和解此寒色凜吾聞守四鄰豈必衛堂寢惡馬易調  
伏小鮮難烹飪臘前况屢白秋杪定一稔我侯但礙香彼  
州自奠枕英英尚書郎餞詩麗如錦驪珠忽滿軸繼者皆

曹沈顧余如病鶴欲鳴聲復噤寧論鬼柳榆行以親來諗  
南歸掣齋鈴僮留故人飲

鄭丞生日口號十首

陌上塵飛勅使來親傳天語賀元台門庭如水無珍獻惟  
有黃花伴壽杯

二

王呂紛更尚治安史韓祿伐始凋殘迺知元祐調絃易却  
是端平變局難

三

金塢銅山二紀中可無玉雪洗貪風從今中外多廉吏家  
有錢神賦一通

四

小范登庸面稍腴惟公不以位為娛宅家亦有臨朝說丞  
相都因國事懼

五

汲黯淹留守相間平津千載有慙顏惜渠不見端平相召  
了西山召鶴平

六

忤旨嬰鱗不自安  
明朝密啓與遷官  
百僚舉笏相語相  
國胷中得許寬

七

曠懷未許衆人窺  
細行猶堪百世師  
廣廈千間無地起  
臺靈一片有天知

八

轉了頭廳屢乞師  
歸已將傳舍視黃扉  
江湖不欠魚羹飴  
直為君恩未拂衣

九

籠苞不復入修門  
民力微蘇物漸蕃  
見說海邊停鮮鮓  
介鱗亦被相君恩

十

不用占著更訊龜  
功成尚有赤松期  
由來壽與仁相貫  
季主君平未必知

出宿環碧

逐客挑包水榭中  
忽聞乾鵲噪東風  
若非閩嶠安書至  
即是襄州吉語通

環碧寒甚移宿客邸

香歇朝衣懶更薰  
亭殘宮漏遠難聞  
漫即不稱青綾被  
退士惟堪白布裙

桐廬舟中即事

車前變鬢帽同聲  
散關外華簪一揖休  
惟有浙江潮好事  
肯隨客逐到嚴州

朱買臣廟

翁子平生最苦貧  
晚將丹頸博朱輪  
老儒五十無章綬  
歸去何妨且負薪

江山道中

純綿未覺中年暖  
薄酒難禁二月寒  
可惜一溪桃李樹  
貪程不得過橋看

徐偃王廟

仁暴由來各異施  
秦徐至竟孰雄雌  
君看驪岫今無墓  
得似柯山尚有祠

漁梁

淺溪忽漲尋常水  
朽樹猶開千百花  
有酒可沽魚可買  
造門莫問是誰家

馮唐廟

當饋而今渴將材豈無梟俊尚沉埋  
不曾薦得雲中守也  
道身省戶來

新蓬二韻

路入雲端一綫微行人竊笑僕交譏  
空囊非有連城璧作  
麼携從間道歸

春陰

春陰欺得病夫身偏值晴天一欠伸  
客舍無誰相管領半  
簷紅日苦留人

宿小寺觀主僧禪座一首

靜處尤宜策睡勳徑投禪榻炷鑪熏  
恰為胡蝶春游美忽  
吼華鯨曙色分僧祖石肩方說法  
我聾左耳若無聞平生  
不作桑間戀草草桃包下白雲

田舍即事十首

去年贏粟尚儲餅又見新秧蘸水青  
野老逢人說慙愧長  
官清白杜公靈

二

材落爭看烏角略中談北向南人百年只有中州樂  
世世無  
為塞下民



三

古來觀社見春秋  
苗袂銀釵盡出遊  
欲與魯人同獵較  
可憐身世尚它州

四

蹴鞠鞵尖塵不浣  
臂膺袖窄樣新裁  
社中年少相容否  
也待鮮衣染鬢來

五

鄰壁嘲秋誦學而  
老人睡少聽移時  
它年謹物如張禹  
帝問床前謬不知

六

田舍諸雛各雅馴  
男兒盡有藝資身  
古來醫卜多名世  
莫學文章點浣人

七

條桑女子兩鬢垂  
車馬過門未省窺  
生長節蓬戶裏  
安知世有二南詩

八

草草衣裝挈自隨  
壻貧畢竟與眉齊  
絕勝京洛傾城色  
鏤向侯門作侍兒

九

兒女相携看市優縱設楚漢割鴻溝山河不暇為渠惜聽  
到虞姬直是愁

十

溪上漁郎占斷春一川碧浪映紅雲問渠定是神仙否艣  
去如飛語不聞

寄題趙廣文南墅

博士才名賀白流詎應早計到菟裘宮中未索清平調海  
上聊為汗漫遊隱几飽看山變態開軒惟對竹清修買隣  
有志嗟無力肯與羊曇共賭否

寄和湯仲熊

憶昨菟包返故鄉意君東帶侍明光一書似坐窮為崇百  
計無如去最長蟻穴夢殘何足記墓陵願在莫須償即今  
臺閣多收召定有名公雪孝章

送湯季庸監獄

季子真竒士聲名亞長君尚難友表牧何敢吏朱雲江國  
無生業沙場有異聞臨歧各珍重世故屬紛紜

送徐鼎夫用廬陵通守博士戴文韻

一春風雨郡齋寒荒了麻姑老子壇余嘗主仙都玉局觀吏抱文書  
排闥至客携詩卷退衙看愁來鏡裏絲難染老去曾中錦  
已殘若掉扁舟見安道為言歲晚習申韓

次韻王元度二首 表倅之子

留落而今兩鬢秋暮年出處愧前修敢云余補韓公處極  
喜君來謝客州奇甚寶鐔騰紫氣清於玉瓚薦黃流後生  
不足先賢遠便合相推出一頭

二

向來綺語禍機深幾効靈均欲自沉周廟人曾銘在背管

城子已禿無心今誰伯樂能酬價後有鍾期必賞音老矣  
尚須君警策昔人一字答千金

送趙叔愚赴潯州理掾

未奉三雍對聊為五筦行鄉書踰嶺少詩思入湘清遠窅  
身差穩中州事日生向來幾離別此別最關情

離郡五絕

自傷臨郡淺有愧在民深稽首文公廟由唐直至今

二

既收其印綬猶送以車船回首柱下史江邊更可憐

三

昨日專城守今朝失國人乾坤如許大無地着孤臣

四

赫赫戎未定區區扣馬非如何孤竹子嫌粟不嫌薇

五

丘筆鄭克段軻言象愛兄回天力不足削地罰猶輕

後村先生大全集卷第十

後村先生大全集卷第十一

詩

寄徐直翁侍郎二首

銳情隨情皆由氣所為浩然不屈是男兒未知重入修門後何  
似初攀折拆檻時已有客貽絕交論豈無人取送行詩勿令  
一種求疵者妄議君侯鳳德衰

二

憶昨紛紛衆喙鳴恠君噤齟久無聲得非家客留廷尉或  
是閨人沮仲卿白璧微瑕終古在黃金橫帶帶時榮從來公

議無情甚莫遣蒙齋獨擅名

和仲弟十首

懶窺戶外問晴陰  
靜向窓前閱古今  
江國事稀聊袖手  
釣天夢斷久灰心

二

慈母清齋奉坐乾  
平生功行默通天  
遙知靜坐修禪觀  
永晝爐中一穗煙

三

即今江表尚恬熙  
忘却前廻飲馬時  
泥水豈無風鶴助  
平

詩莫受犬羊欺

四

樓頭吹徹幾寒梅  
推枕穿衣曉帳開  
蟻鬪蜗爭求予決  
老夫身世自難裁

五

一春簷溜不曾停  
滴破空階蘚暈青  
便是兒時對床雨  
絕憐老大不同聽

六

行遍高臺到曲池  
閑將白髮照清漪  
未應官舍無幽事  
亦

有臨流嘯詠時

七

少工文字老安施不但才慳力已疲無復滴泉來上綆惠  
連入夢偶成詩

八

弟兄雖幸忝朱輪各是人間五十人只合共娛千歲母可  
能少補二民州

九

鴈回杳杳渾無報鵲語啾啾似有憑忽得遠書省百過眼

昏自起剔殘燈

十

千古堂堂一孔明尚容幼宰訪州平諸君應悉倦倦意老  
子寧希赫赫聲

丁酉重九日宿順昌步雲閣絕句七首呈味道明  
府

傍邑曾為劫火塵獨茲猶是太平民兒時所歷今三紀便  
喚溪山作故人

二

老子癡頑耐遠遊平生腹不貯閑愁今年天錫登高地身  
在雲峰最上頭

三

小休綠樹濯清泉垢盡身輕意欲僊豈必魯儒知此樂舞  
雩風止在溪邊

四

九月南州菊未黃芙蓉取次獻新粧不妨折取繁紅挿四  
海皆知兩鬢霜

五

只了年年作逐臣衣冠縑縷面埃塵偶逢令尹留連我不  
畏狂生點泥人

六

先倩清風掃水軒更呼流月金樽定知明府歸侵夜縣郭  
留燈未閉門

七

長君論事天為動季子居官水似清雙眸不能鈔諫草偏  
聾尚可聽琴聲

涂中得茂實封事目  
昏字小不能傳錄

友人李先輩丑父嘗以夷成詩二帙示余莫知為

何人所作心甚愛之過延平客有袖詩一章見訪  
始知夷成者蓋葉君之別號也鬚髮皓然矣詩與  
人皆可重因用其韻為謝

筋力都非少壯時不煩攬鏡覺吾衰展禽出仕會曾三已  
表聖歸休有四宜飽閱交情悲世道蓋人強意賴君詩此  
生到死慙三士本自難招况易麾端平初元召審八士余  
預焉惟張洽趙端願范  
炎三君子  
力辭不至

丁酉九月十四日黃源巖客舍題黃瀛父近詩  
不但行吟又卧披掩編因有感于斯競為蛙蚓號鳴態烏

覩龍鸞天矯姿損挹嫌人稱大好琢磨容我指微疵自慙  
學識非康鼎安敢陪君共說詩

次王元度韻

占盡靈烏顧盡雲君恩寬大放歸闕一區二頃生緣薄萬  
緒千條素髮新鐵馬即令徵戰士金鷄何日赦累臣殷勤  
說向西飛鴈多謝交游與吏民

送范守仲治二首

二年田里內民不識追胥官府絕無事使君惟讀書儉於  
住家日矐似下車初太未方凋弊公行不可徐



二

放逐諳時態惟候意味長醴為狂客設羨許老人嘗南國  
留棠舍西郊閉草堂臨岐先作惡未可倚剛腸

挽趙漕簡叔二首

雖擁軺車貴蕭然似布帛家依僧舍住俸買古琴歸海內  
勝流盡民間廉吏稀空餘詩卷在展玩一沾衣

二

恰訝書題少俄驚訃問臨死方拋筆研貧不泥珠琛劫火  
難隳節浮雲肯動心悲哉廣陵散舊譜有誰尋

曹路分贈詩次韻一首

古來詩律推曹氏不數河梁與董逃唐季三家松最勝荆公  
選唐百家詩曹鄴一首建安七子植尤高短檠尚課兒精  
曹唐二首曹松十三首選老筆真堪僕命騷極欲留君橫槩賦舟人苦執報粵江

濤

用曹帥侍郎韻曹路分

曹侯書滿腹非以劍防身馬上檄猶速橐中詩不貧虜情  
工變詐時論主和親旗鼓何時建方知國有人

永嘉曹君譜詩次韻一首

開卷沉吟首屢搔想提詩律比戎韜清於學士茶烹雪壯  
似將軍弩射潮再齒三鱸由染漬勺泉卷石可深高蜗廬  
自笑無卮酒不得澆君道路勞

余大父著作嘗以所得沈元用給事歛硯遺水南  
林府君後七十年林氏子大鼎以端研遺余答以

小詩

隆乾手澤稀踈甚數帖悽其水在南但看吾翁遺歛石固  
應之子餉端巖丁寧後裔藏為好羞愧先民寶不貪自笑  
老猶耽筆硯少年莫也肯同參

挽鄭子敬都丞二首

重入修門兩鬢絲延和累疏竭忠規立朝頗慕汲生戇謀  
國不知晁民氏危老去故人能有幾古來君子例無時傳  
聞近事堪悲慨說向重泉亦顰眉

二

向來俱觸相吾君嗔里社追隨二十春尚記殘編燈下共  
忽看華表路傍新行車不忍過三步臨穴應難贖百身歲  
晚空山風雨橫莫芻歸去倍傷神

次韻實之二首

孤臣去國四經春，迹遠安知罪尚新。蚤亦曾譏秦氏者，晚  
為與議濮園人。懶箋光範干時宰，且伴田家賽社神。醉倒  
不能愁世事，倩他煙柳替含顰。

二

向來歲月半投閑，莫歎朝朝首着槃。身後芳芬聊自註，眼  
前腥腐飽曾餐。蟲雞一笑何須較，老鳥相踈恐被彈。清議  
自為儒者設，未應羈束老黃冠。

再和

借屋城中又一春，桃符萬口說清新。向來曾上慶曆頌，老

去甘為元祐人。健論真堪駭馬謖，子固窮不肯媚錢神。吾評  
此士西塘比，後進紛紛謾効顰。

二

與君未得便安閑，邊警偏能惱澗槃。草地棗紅猶索闢，田  
家稻白可能餐。誰將鐵練橫江鎖，莫靠琵琶出塞彈。處處  
衝梯樓上舞，不應諸老自巍冠。

三和

主聖時清萬宇春，禽魚花草各懷新。如何丹鳳樓中手，未  
作金雞竿下人家。有寧馨堪跨竈囊，無阿堵可神通客談。

江北狼煙息暫展雙眉不用顰

二

厨人無職主君閑春日惟供菜滿槃山下鷓肥聊共飽堂  
中羊美得常餐徧嘗憂患肱三折已過光陰指一彈老去  
有中宜漉酒笑他楚客切雲冠

挽戴丞

戴氏多人物君尤月旦推能傳後倉禮亦擅叔倫詩故里  
懸車蚤名揚解褐遲它年端有恨椿桂不同時

題永福黃生行卷

廢詩二十餘年矣忽讀來時眼暫明處士梅曾如許瘦化  
人酒莫過於清蚤鳴競起為唐體牛耳誰堪主夏盟事闕  
語長殊未竟蹇驢作麼問歸程

送方清孫叅學

僕負輕裝主倚轅交游握手若為言須求沂水風雩樂勿  
愛沙河夜市繁曩日士曾宗郭太它時我欲傳何蕃殷勤  
待折津亭柳老怕春寒不出村

挽南塘趙尚書

起掌端平制蕭蕭素髮新更生宗室老太白謫仙人貴矣

狨施馬悲哉筆絕麟誰為篆華表題作宋詞臣

二

自從水心死塵柄獨歸公於易疑程氏惟詩取晦翁二箴  
家有本孤論世無同不復重商摧騎鯨浩渺中

次韻寶之春日二首

向來文字擅中朝留落而今賦大招才子左遷迢屈賈相  
君高蹈友松喬山行或與樵爭席澗飲聊將掬代飄借使  
終身無一事亦令千載仰孤標

二

梅醜朝衣塵滿靴曾穿細伏對延和角巾久已尋初服錦  
帳何須戀舊窠能讀書人天下少不如意事古來多半生  
寂寂因迂濶垂老方驚歲月蹉

再和二首

滎陽相昔獨當朝曾忝弓旌第一招無力不能揀房琯有  
書安敢托洪喬如聞徒步輕千駟未覺堂厨勝一瓢鄧禹  
禹封侯子陵釣君看二者孰風標

二

少小從軍事袴鞞祗今廟筭主通和 來復去免三窟民

散未收蜂一窩建炎有盜名一窩蜂病覺風光於我薄老知書冊誤人多罪言著就深藏取自笑狂生壯志蹉

三和二首

豈有絲毫補聖朝去來擾擾費麾招不能履屐供群謝未暇綸巾擁二喬着老萊衣侷服冕食於陵粟勝操瓢臣之少也猶踈懶何況頭今挿表標

二

長劍拄頤刀納鞞得如曝背趨陽和買鄰底用百萬價好事爭為十二窩異日史臣應有考同時朝士欲無多與君

死守西山學莫遣人譏末路蹉

四和二首

夢竟久不到清朝縱遣巫陽未易招塞北今惟一帶敵江南前此幾陳喬扶顛箇箇無長策排悶時時引大瓢它日松根深掩骨何須竹帛有名標

二

朱門畫鼓舞宮宮靴應笑狂夫似采和露坐一生無步障春遊是處有行窩紹興謹議誰當續元祐全人本不多辨取九年同面壁未應末後話頭蹉

五和二首

尚記諸賢聚本朝當時君相急旁招  
簫韶九奏鳳諧樂金  
彈一聲嬰下喬疆項昔曾攀殿檻  
飢腸今欲把僧瓢蚤知  
不得文章力却悔從初奪錦標

二

頽然一榻懶巾靴二月東風尚未和  
雀闥屋簷來作宿蜂  
蠅窻紙去爲窩牢愁余髮五分白  
健思君才十倍多欲訪  
東臯賢鼻祖幾迴路與醉御蹉

六和二首

那復裏衣事早朝杖藜時赴野人招  
謀身不善交韓呂度  
世猶堪訪賀喬杖有百錢尋酒錢  
家無一物止詩瓢君看  
莘渭三王佐何以夷齊萬世標

二

生怕將軍手腕靴安能柔軟舞靈和  
艱虞夷甫謀方窟老  
懶堯夫少出窩時事參參棋如許  
急春愁抽蠶未爲多終  
南一徑非常捷自是吾徒問路蹉

別張季

昔謂西山過里中設兵論易氣如虹  
若非遇彼負苓者必

是傳於墜履翁至竟白袍無諂屈如何曾黃策有英雄秋  
風定訪蒙齋否為說馮唐老更雄

挽淮東丘升撫幹

子美曼卿流遠携書劍遊惜攀丹桂晚勇赴白檀秋尚喜  
前籌壯聊紓左衽憂時危奇士天無淚可供愁

五月旦日鳴雞夢袖疏墀下先君問言何事答曰  
猶素論也先君太息稱善聞迨班聲驚寢寤以詩

識之

亭中候對殿東廡邂逅先親問答詳確磨不能移素論曝

芹終欲獻清光觸屏訓誥生猶臭攀檻傳名死亦香君父  
臨之安所避凌晨起坐涕淋浪

蔡京云如刘安世確  
搗磨：止說元祐是

和張使君一首

里巷傳呼座府來柴門草戶亦榮哉相忘金鯽忽然躍慣  
見白鷗渾不猜墨客堵牆觀落筆花神步出水行杯定知  
入奉吾丘計萬一君王訪草萊

題趙別駕委齋

乍者華扁費尋思徐叩微言極坦夷無可奈何安命者吾  
非惡此欲逃之萬言賦祿渠前定二鳥蒙恩彼一時總被



委齋參透了不求符竹止求祠

次張使君韻

欲架茅堂久不成蕭然身世托專城日無車諱非常靜月  
有餐錢未是清髡首向來輸白粲短衣老去斲黃精絕憐  
不及梁間燕歲歲新巢巧自營

讀邨報二首

並驅華轂適通達中路安知判兩岐邪等惟余尤甚者好  
官非汝孰為之累臣放逐無還理陛下英明有寤時聞向  
蕭山呼渡急想追前事亦顰眉

二

瑤編對秉初修筆粉署同携夜直衾虎既蒙皮甘搏噬鶴  
因瘡羽久呻吟盡歸一網機猶淺橫說三綱害最深想到  
鄮山多暇日軻書無惜細研尋

自和二首

橫身久塞揚朱路灑泣俄悲墨子岐陋矣歟鉤而中者壯  
哉鳴鼓以功攻之侍讀自無遷府分梅詢晚年指其足曰是中丞  
還有僦船時舒亶去國八風舞罷君恩歇贏得閑愁上兩眉

二

貴豪渠已重金帶貧病儂猶舊布衾鍾阜解仇無宿憾荆公

與呂吉甫解仇荆江感事有新吟山谷有荆江書事十絕建中所初作早知餘耳交難保

晚覺王何罪未深白首還鄉應閉戶斷無保社肯追尋

和賈之讀邸報四首

祝鮫非是佞莒僕未為凶鬼谷從橫舌終南詭秘蹤斷無  
麟在藪獨有鼠穿墉千古誰傳匹依稀似敬宗

二

穿鑿強揮塵跳梁勇執弓矯誣天亦怒驅逐國為空笑裏  
刀常有盟邊甲已裹拾遺端可拜諸佞筆生風張萬福拜拾遺王仲

舒寺于延英門下

三

外觀殊偉岸內稟極儉柔欲取漢清議盡投唐濁流鬼車  
鳴甚惡猛虎死方羞芳臭須臾判哀哉不善謀

四

一抨初駭聽雙淚漫求哀極口誣賢者甘心譽彼哉其人嘗引管仲  
見早知豺不食安用鴟鴟為媒試問高陽里迎車幾兩來

再和四首

狐鳴工作崇崇雅噪每為凶魯觀初尸罪丘門永削蹤謀身

真有窟鑿趾欲無墉擊塘之趾以益其高力擊延齡去堂堂似亢宗

二

舊知偏下石遠避亦傷弓留落周南衆蕭條冀北空萬言  
師飾詐雙淚却由裘王績何曾醉劉蕡本不風

三

噓人倖虺毒害物比猫柔李義府柔而害物號人猫清議姑驅逐寬恩未  
放流流劔誅張禹佞扇障楮淵蓋諫筆非私念惓惓為國謀

四

伏閣何其壯登舟得許哀人多稱快者上豈少恩哉惡草

無留種天挑不待媒九重天遠佞寧放鄭詹來

挽李卿儔老二

苦說兵才少臣非怯塞垣上思前語驗人嗟左遷寃老大  
雪中守風寒國北門故郊交頭白盡空為賦招魂

二

人物今衰少惟侯智勇兼悲風起關塞斜日薄崐崘老子  
無從涕諸賢不及髯知心惟蜀李應為發幽潛

挽鄭貢士 備

少日鳴秋賦中年讀古書寧游魯侯泮不詣漢公車鄭老

先生行申公八十餘何妨鳳雛小玉潤亢門閭

梅州揚守鐵庵取東坡稱元城為鐵漢

北客由來憚入南僕家諫議飽曾諳誰云瘴霧非吾土曾有魁躔住此庵身重豈容眉斧伐時危猶要脊梁擔公歸未必懷陳迹留與舟人作美談

梅州重建中和堂

中和堂昔隳於火今剪荒榛再落成博士尊師重演說史君存古不更名漸摩假學三風熄流布褒詩五瘴清天子金聲兼玉振會徵褚大與兒生

題張簿尉槎溪集

王去非符郎為作序言括有何才翁隱是谿坡公為書留槎閣

千載枯槎無主名才翁子梅各偷撐分明博望昇 訴不

許人間別姓爭故番禺帥廖公子梅亦號槎溪

陳 陳景升頃遺余化度寺碑甚佳闕後三行歸自龍

溪始為余補足記絕句

端平曾歎闕三行淳祐重來為補亡收拾一碑勞十載此生凡事不須忙

端嘉雜詩二十首

幅裂常包割地差掃平忽雪戴天讎穹廬已踈蹠元顏血

露布新函守緒頭

二

聞說關河唾掌收擬為跛子看花遊可憐逸少興公輩說  
着中原得許愁

三

由北圖南有混并自南取北費經營從今束起書生論嗽  
飯看人致太平

四

不及生前見虜亡放翁易箆憤堂堂遙知小陸差時薦定

告王師入洛陽

放翁絕筆詩云王師北定  
中原日家祭無亡告乃翁

五

少年意氣慕橫行不覺蹉跎過一生便脫深衣籠窄袖去  
參留守看東京

六

鞏洛山川幾過兵漢家初遣使修陵可無神物 豺虎直  
護香煙到栢城

七

萑尤桀黠於堅者勒固姦雄奈虎何剩製赭袍添曲蓋中

原假帝不勝多

八

鞠躬解作華人語  
辮髮來持虜帳書  
祇合索絢牽畜狗  
不煩伐鼓享鷄鷓

九

倂僞將軍約早回  
楚材相國更頻催  
江東將相真如虎  
去報胡雛莫過來

十

全衆回軍未可非  
反旗鳴鼓亦兵機  
不知三帥揚鞭際  
誰

為君王殿後歸

十一

勢窮斯變變斯通  
局面初更便不同  
西北怕他小老子  
南東有太箇平翁

十二

一番旗鼓建行臺  
勇者投軀富輦財  
邊將不消橫草戰  
國王祇要撒花回

十三

不妨割肉餵豺狼  
知約依然隨渺茫  
未必與吾盟夾谷  
且

防彼劫 平涼

十四

蠲除一倍臺符下權借三分督檄傳

上不

然伏鑽徇軍前

十五

說向丁男與小姑各勤耕織了軍需莫教塞北同文軌却  
為江南減賦輸

十六

胡來如鬼去如風哨騎何曾待棗紅峴首一春無夜至興

元六月在園中

十七

擁旄佩印各榮華已貴無官可復加若不掃門丞相府必  
曾養馬侍中家

十八

蘓衛滅胡同拜爵裴韓平蔡亦聯鑣祇今光範門前客太  
半河陽幕下寮

十九

元子置人防壁後穰侯搜挾客到車中鶴杯定不疑羊傳也

首何曾害魏公

二十

闕

後村先生大全集卷之十一

